

[www.BibleForChildren.org](http://www.BibleForChildren.org)



Itanta-nakari 6



Iroka ikinkitha-takoi-tziri Noé.  
Kamiitha-siri ikantaka irirori,  
ikimisan-tapiintziri Pawa. Tima  
tikatsi pairani kimityaa-riniri  
Noé yantapiin-takiro inintziri  
Pawa. Ari yasi iwakiro

ikaaripiro-yitaki  
atziripayi.

Ikanta  
iñaakiri

Pawa ithonka

ikaaripiro-yitaki  
atziripayi, ...



... ikantakiri Noé: "Nonintzi napirotairi atziripayi. Iriitaki kantakaan-tzirori imaimani-tawakaantari osaawiki.

Nonintzi nonthonkairi atziripayi aajatzi maaroni kipatsi."



“Irooma awiroka pamini inchato  
tzimatsiri okasi, irootaki piwitsikiri  
pamaa-tako-minto. Pinasityaaro  
inthompointa pintanto-yitiro.

Piwitsiñiuro maaroni intakiroini  
aajatzi inthompointa.”



Ari pinkantiro  
piwitsikiro. Onkarati  
pimonkaratiro  
osanthati 300  
pikonaki,  
irooma

oniiki  
onkarati  
50 pikonaki,  
irooma tsika  
ojinokiti onkarati  
30 pikonaki.



“Ontzimatyii  
piwapithaantyyaa oshiki  
piwariti. Irootaki piyaari  
awirokaiti aajatzi ikaratzi  
piminkyaa-yitiri.”




Piminkyii aajatzi apiti-payi nasiyitachari antami-wiriiti  
ikaratzi añaa-yi-tatsiri aka kipatsiki, aparoni sirampari  
aajatzi aparoni kooya, iriitaki tsipatyaa-mini  
yañaa-yiti aajatzi irirori.



Piyosiitiri piminkyaa-yitiri aajatzi antami-wiri kaari  
ipinkai-tziri, inkarati 7 sirampari aajatzi  
7 kooya. Iriima ikaratzi ipinkai-tziri  
piminkyayiti inkarati apiti, aparoni  
sirampari aparoni kooya.








Ari ikyaanaki Noé  
amaatako-minto-tsiki  
itsipatakaro iina, itomi-payi  
aajatzi iraniro-payi.





Tima aritaki tzimaki Noé  
okaratzi 600 isarintsiti, awisanaki  
aparoni kasiri, aajatzi 17 kitaitiri,  
aripaiti otonkako-tanaki inkaari  
tzimatsiri osaawiki, aajatzi tzimatsiri jinoki.



Aakowin-takaro oparyaaki okaratzi  
40 kitaitiri aajatzi 40 tsitiniri.



Aikiro opokaatatzii  
oonkaro. Aikiro  
owankatyaa  
amaatako-mintotsi.



Othonka anaanakiro jinokiyi-tatsiri otzisi, tima omaapiro oonkaka aka kipatsiki. Mataka yapirotaka ikaratzi aniinka-witachari aajatzi okaratzi tzimawi-tachari aka kipatsiki.



Tima isiriki iwiri Pawa Noé, aajatzi  
ikimitzi-takari maaroni antami-wiripayi,  
ipiraita-ripayi ikaratzi titainchari  
amaatako-minto-tsiki.



Ikantakaa-karo Pawa ontasonkaa-tajiro  
tampyaa iroka oonkaro, irotaki  
ompiryaatan-tajyaari.






Ipoñaa iwaraaki aajatzi  
Noé aparoni siro  
iyotantyaari piryataaji-rika  
kipatsi.





Ikanta yawisawaji aparoni kasiri, aajatzi 27  
kitaitiri, aripaiti opiryaa-pirotaji oonkaro  
aka kipatsiki.




Ikantairi Pawa Noé: "Pisitowaji iroñaaka  
amaatako-minto-tsiki, pintsipa-tyaaro  
piina, pitomi-payi, aajatzi paniro-payi."



Ari iwitsika-paji Noé ipomi-pirini-minto  
ipinkatha-tapajiri  
Pawa. Yaaki  
aparoni-payi  
ikaratzi iwaitari,  
aajatzi siwanki-ripayi,  
kachaaryiinka ikanta  
ipomitapa-jiri  
ipomi-pirini-mintoki.





Aikiro  
ikinkitha-waitakaa-tziiri  
Pawa yoka Noé, ikantziri:

"Tzimatsi iñaitairi  
iyotantai-tyaari tzimatsi  
akasiyakaa-wakaari.  
Iriitaki piñaapiin-tairi  
aajatzi antami-wiripayi."



"Tima aririka  
piñiiri inkatziyi  
oyi ooryiinkatzi,  
piyotaji tzimatsi  
akasiyakaa-wakaari.

Aririka piñiuro ooriinkatai,  
ari piñiiriri inkatziyi oyi

minkoriki. Tima  
osiriki nowajiro  
naaka nokasiyakai-miri,  
aajatzi nokasiyakaa-riri  
antami-wiripayi. Airo  
apiita iñaitairo oonkaro  
apirotai-roni kipatsi."



Ari  
itasonkawinta-nakiri Pawa Noé  
aajatzi itomi-payi. Iroka  
ikantakiri: "Ishikitaji  
pitomi-payi, inthonkyaa  
inampitajyaaro kipatsiki."



“Yoka itomi-payi Noé  
ikaratzi sitowaa-tsiri  
amaatako-minto-tsiki: Sem,  
Cam, Jafet. Iriitakira Cam  
iririntana-kari Canaán.  
Ikaratakira mawa itomi  
Noé, iriitaki

oshikitaa-tsiri aka  
kipatsiki.”



Tima itako-pirotani iwiri Pawa  
osaawi-satzi, isinitakiri yapintziti  
Itomi inkamawintajiri, irootaki airo  
ikaamani-tantaja inkarati  
kimisanta-jirini, irasi iwiro  
yañaani-yitaji.





Roma-satzi 3:23 Tima maaroni  
akaaripiro-siritaki. Irootaki airo okantanta  
añaaayitairo iwaniinkaro Pawa.

Roma-satzi 6:23 Iroka "Kaamanitaantsi"  
okimiwaitakaro iroomi impinai-tairirimi  
antawaita-piinta-kiirori kaari-pirotaantsi,  
kimiwaitaka iriimi opiratani. Irooma  
"Añaanitantsi" okimiwaitakaro iroomi inisironka  
Pawa ipasiyitaariri ikaratzi tsipa-siri-yitaariri  
Jesús Saipatzii-totaari, Awinkathariti.

Heber-iiti 9:27 Iroowaitaki ikantai-tziri:  
Maaroni atziri aparo-satzi okanta ikami,  
impoña yamina-kotairi Pawa.



Efeso-satzi 2:8,9 Irootaki piñaantaarori  
pawisako-siri-yitai pawintaa-yitaari. Iriitaki  
Pawa kimitakaan-taarori impasita-jyaamiro  
awisako-siritaantsi, tira awiroka matironi  
piwawisaako-sirityaa apaniroini. Ari onkantyaa  
airo pinkimosiriwinta-siwaitanta.

Roma-satzi 10:9,10 Aririka piñaawaitaji pinkanti,  
"Nowinkathariti inatzii Jesús," aririka  
pawintaa-sirita-jyaari Pawa iriitaki owiriintajiri  
ikamawitaka, aritaki pawisako-siritai.  
Tima pawintaa-siritaari irirori, irootaki  
itampatzika-siritan-taamiri. Ari okantzita,  
aririka piñaawai-yitairo, irootaki  
iwawisaako-siri-yitan-taamiri.



Juan 3:16,17 Tima itako-pirotani iwiri Pawa  
osaawi-satzi, isinitakiri yapintziti Itomi  
inkamawintajiri, irootaki airo ikaamani-tantaja  
inkarati kimisanta-jirini, irasi iwiro  
yañaani-yitaji. Tima Pawa ti intyaantiri Itomi  
aka kipatsiki imishakowintajiri osaawi-satzi,  
inintatzii iwawisaa-koyitajiri.



1 Juan 5:11-13 Iroka ikantai-takiri: Iriitaki Pawa kantakai-yaaroni añaasiritan-tajyaari, tima awintaari Itomi. Ikaratzi aapatyiyaarini Itomi aritaki yañaasiritai. Iriima kaari aapatyiyaarini Itomi Pawa, airo yañaasiritai. Tima pawintaari awirokaiti Itomi Pawa, pikimisantairi. Irootaki nosankinatan-tamirori iroka ari onkantyyaa piyopirotan-tyaari pasi piwairo pañaayitaji apaata.



# Itanta-nakari 6 - 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Ashéninka Perené Bible (prq) © 2004, Wycliffe Bible  
Translators, Inc. All rights reserved.

<https://www.bible.com/bible/2136/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

